

UNIVERZITET U TUZLI
Broj: 01-156-JN-8/16 LOT 4
Tuzla, 12.04.2017. godine

Na osnovu članova 69. stav (1) tačka b) i stav (2) tačka d) i člana 70. Stav (4) Zakona o javnim nabavkama BiH («Službeni glasnik BiH» broj: 39/14) te člana 65. Statuta Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o ocjeni ponuda broj: 01-156-JN-7/16 LOT 4 od 31.03.2017. godine po punomoći lica zakonom ovlaštenog da obavlja funkciju Rektora Univerziteta u Tuzli broj: 01-2041/17 od 31.03.2017. godine, Direktor za ekonomske poslove donio je

O D L U K U
o poništenju postupka javne nabavke

I

Poništava se otvoreni postupak javne nabavke polica za arhivu za potrebe Univerziteta u Tuzli iz razloga što primljena ponuda nije prihvatljiva.

II

Ova Odluka stupa na snagu danom donošenja.

Obrazloženje

Univerzitet u Tuzli pokrenuo je postupak javne nabavke Odlukom broj: 01-156-JN-1/16 od 19.12.2016.godine. Javna nabavka je provedena putem Otvorenog postupka i obavještenja o nabavci objavljenog na portalu javnih nabavki e-nabavke broj: 795-1-1-145-3-141/16 od 27.12.2016. godine, „Službenom glasniku BiH“ broj: 1/17 i web stranici Univerziteta.

Komisija za javne nabavke blagovremeno je dostavila Zapisnik o otvaranju ponuda i Zapisnik o pregledu i ocjeni pristiglih ponuda. Iz navedenih zapisnika proizilazi da se u predmetnom postupku javne nabavke prijavio jedan (1) ponuđača i to: „Hafele BH“ d.o.o. Gračanica. Analizom dostavljene ponude utvrđeno je da navedeni ponuđač nije dostavio sve dokaze kako je zahtijevano tenderskom dokumentacijom zbog čega je ocijenjen nekvalifikovanim za dobro obavljanje posla. Naime, ponuđač je dostavio Aktuelni izvod iz sudskog registra koji je izdan 13.10.2016. godine, što je starije od tri mjeseca računajući od datuma prijema ponude odnosno od 17.01.2017. godine. U tenderskoj dokumentaciji u tački 3.4.1. decidno je navedeno „Dokaz se dostavlja kao neovjerena kopija originala, s tim da datum izdavanja ne može biti stariji od tri mjeseca računajući od dana dostavljanja ponude.“ Takođe, ponuđač nije dostavio potvrdu o uspješnoj realizaciji ugovora kako je navedeno u tački 3.5.2. Tenderske dokumentacije „Uz spisak izvršenih usluga ponuđač je dužan dostaviti original ili ovjerenu kopiju potvrda koje su izdali naručioci posla, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i navode o uredno izvršenim ugovorima.“ Ponuđač, takođe nije dostavio katalog sa tehničkim opisom ponuđene opreme zahtijevan tačkom 4.1.p. Tenderske dokumentacije.

Zbog svega naprijed navedenog ponuda ponuđača „Hafele BH“ d.o.o. Gračanica odbijena je kao neprihvatljiva.

Cijeneći izneseno te činjenicu da u ovom postupku nije dostavljena nijedna prihvatljiva ponuda to je predloženo da se predmetna nabavka poništi.

Imajući u vidu sve naprijed navedeno te da su zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 10 (deset) dana od dana njenog prijema, na adresu dr. Tihomila Markovića br.1.


Prilog: Zapisnik o pregledu i ocjeni ponuda broj:

01-156-JN-7/16 LOT 4 od 31.03.2017. godine

DOSTAVITI:

1x učesniku

1x a/a



DIREKTOR
ZA EKONOMSKE POSLOVE

Fuad Čerčić, dipl.oec.